



НИЙСЛЭЛИЙН  
ЭРҮҮЛ МЭНДИЙН ГАЗРЫН ДАРГЫН  
ТУШААЛ

2019 оны 01 сарын 18 өдөр

Дугаар 4/03

Улаанбаатар хот

Г Дүрэм, бүтэц батлах тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 33 дугаар зүйлийн 33.5, Нийслэлийн Эрүүл мэндийн газрын дүрмийн 2.5.10 дахь заалтыг тус тус үндэслэн ТУШААХ нь:

1. Багахангай дүүргийн Эрүүл мэндийн төвийн дүрмийг нэгдүгээр, бүтцийг хоёрдугаар хавсралтаар тус тус баталсугай.
2. Баталсан дүрэм, бүтцийг үйл ажиллагаандаа мөрдөж ажиллахыг Багахангай дүүргийн Эрүүл мэндийн төвийн дарга /Х.Ганбат/-д даалгасугай.
3. Энэ тушаалын хэрэгжилтэнд хяналт тавьж ажиллахыг орлогч дарга /Л.Зэндмаа/-д үүрэг болгосугай.

ДАРГА



Л.ТӨМӨРБААТАР

1150500006

Нийслэлийн Эрүүл мэндийн газрын даргын  
2019 өрнө 01 дүгээр сарын 18.өдрийн  
103 дугаар тушаалын нэгдүгээр хавсралт

9077456 2.11

## БАГАХАНГАЙ ДҮҮРГИЙН ЭРҮҮЛ МЭНДИЙН ТӨВИЙН ДҮРЭМ

### НЭГ. НИЙТЛЭГ ҮНДЭСЛЭЛ

1.1 Багахангай дүүргийн Эрүүл мэндийн төв /цаашид төв гэх/ нь харьяа нутаг дэвсгэрийн хэмжээнд хүн амын эрүүл мэндийн байдал, түүнд нөлөөлөх хүчин зүйлийг тандах, судлах, хянах, эрүүл мэндийг дэмжих, хамгаалах, өвчин эмгэгээс урьдчилан сэргийлэх, хүн амд эрүүл мэндийн боловсрол олгох үйл ажиллагаа явуулах, эрүүл мэндийн талаар төрөөс баримталж буй бодлого, хууль тогтоомж, тушаал шийдвэр, стандарт, арга аргачлал, зөвлөмжийг хэрэгжүүлэх, зохион байгуулах, үндсэн мэргэжлийн тусламж, үйлчилгээг үзүүлэх амбуulatorи болон хэвтүүлэн эмчлэх эмнэлэг, лаборатори бүхий Нийслэлийн эрүүл мэндийн газрын харьяа эрүүл мэндийн үйлчилгээний байгууллага мөн.

1.2 Монгол улсын Үндсэн хууль, Засаг захиргаа, нутаг дэвсгэрийн нэгж, түүний удирдлагын тухай хууль, Эрүүл мэндийн тухай хууль, Эмнэлгийн тусламжийн тухай хууль, Эм, эмнэлгийн хэрэгслийн тухай хууль, Эрүүл мэндийн даатгалын тухай хууль, Төсвийн тухай хууль, Төрийн албаны тухай хууль болон холбогдох бусад хууль тогтоомж, Засгийн газар, Нийслэлийн иргэдийн төлөөлөгчдийн хурал, Нийслэлийн Засаг даргын шийдвэр, Нийслэлийн эрүүл мэндийн газрын даргын тушаал, шийдвэр, энэ дүрмийг мөрдөж ажиллана.

1.3 Төв нь эрүүл мэндийн талаар Төрөөс баримтлах бодлого болон холбогдох бусад хууль тогтмоомжийг хэрэгжүүлэх, зонхилон тохиолдох өвчлөл, түүний эрсдэлт хүчин зүйлтэй тэмцэх, эрүүл мэндийг дэмжих орчин бүрдүүлэх, хүн амд эрүүл зан үйл төлөвшүүлэх, аливаа өвчин эмгэгээс урьдчилан сэргийлэх үйл ажиллагааг дангаараа болон бусад мэргэжлийн төв, салбар, аж ахуйн нэгж байгууллага, олон нийт, иргэдтэй хамтран дүүргийн түвшинд зохион байгуулна.

1.4 Төв нь үйл ажиллагаанд Монгол улсын Үндсэн хуулийн нэгдүгээр зүйлийн 2 дахь хэсэг, Төрийн албаны тухай хуулийн 4.2-т заасан төрийн албанд Баримтлах үндсэн зарчмаас гадна эмнэлгийн тусламж, үйлчилгээг чанартай, шуурхай, тэгш хүртээмжтэй хүргэх, ил тод, мэргэшсэн байх, хариуцлага хүлээх зарчмыг баримтална.

1.5 Төв нь үйл ажиллагааны явц, үр дүнг Нийслэлийн эрүүл мэндийн газрын даргын өмнө хариуцаж тайлагнана.

1.6 Төв нь Засгийн газрын 2001 оны 41 дүгээр тогтоолоор баталсан журмын дагуу үйлдсэн тамга, тэмдэг, албан бичгийн хэвлэмэл хуудас хэрэглэх бөгөөд Төрийн сан банкинд харилцах данстай байна.

## **ХОЁР. ТӨВИЙН УДИРДЛАГА, ЗОХИОН БАЙГУУЛАЛТ**

2.1 Төвийн дүрэм, зохион байгуулалтын бүтцийг Нийслэлийн эрүүл мэндийн газрын дарга батална.

2.2 Төвийн даргыг Нийслэлийн эрүүл мэндийн газрын дарга томилж, чөлөөлнө.

2.3 Төв нь үйл ажиллагааны төлөвлөгөөтэй ажиллах бөгөөд төлөвлөгөөг Нийслэлийн эрүүл мэндийн газрын дарга батална.

2.4 Төв нь дээд шатны Төсвийн захирагчтай жил бүр үйл ажиллагааны үр дүнгийн гэрээ байгуулан ажиллаж, биелэлтийг бүрэн хариуцна.

2.5 Төв нь байгууллагын зорилт, чиг үүргийг хэрэгжүүлэхтэй холбогдсон өдер тутмын асуудлаар зөвлөх удирдлагын баг, хэрэгжүүлэх ажлыг зохион байгуулах удирдлагын зөвлөлийг байгуулан ажиллуулна. Удирдлагын баг нь: Төвийн дарга, орлогч, чанарын менежер, хүний нөөцийн менежер, ахлах нягтлан бодогч, нийтлэг үйлчилгээний алба хариуцсан менежерийн бүрэлдэхүүнтэй ажиллана. Удирдлагын зөвлөлийн бүрэлдхүүнд бүх нэгжийн менежерүүд орж ажиллана. Удирдлагын баг, удирдлагын зөвлөлийн ажиллах журмыг Төвийн дарга батална.

2.6 Төвийн дарга дараах чиг үүргийг хэрэгжүүлнэ:

2.6.1 батлагдсан бүтэц, орон тоо болон хуулиар тогтоосон эрх, хэмжээний хүрээнд ажилтныг томилох, чөлөөлөх, сахилгын шийтгэл ноогдуулах;

2.6.2 холбогдох хууль тогтоомжийн дагуу байгууллагын Хөдөлмөрийн дотоод журмыг баталж, ажилтны цалин хөлс, урамшууллын хэмжээг Засгийн газраас тогтоосон цалингийн сүлжээний дагуу тогтоох;

2.6.3 хууль тогтоомжоор олгосон эрх хэмжээний хүрээнд тушаал гаргах, заавар, журам баталж мөрдүүлэх;

2.6.4 орлогч дарга болон менежер, албан хаагчидтай хөдөлмөрийн гэрээ байгуулж, хэрэгжилтэд нь хяналт тавьж ажиллах;

2.6.5 байгууллагын архив, албан хэрэг хөтлөлтийн үйл ажиллагааг боловсронгуй болгох арга хэмжээ авч хэрэгжүүлэх;

2.6.6 эрүүл мэндийн тусlamж, үйлчилгээний чанар хүртээмжийг дээшлүүлэхэд орон нутгийн засаг захиргааны байгууллага, эрүүл мэндийн байгууллага, төрийн болон төрийн бус байгууллага, иргэдтэй хамтран ажиллах;

2.6.7 сахилга дэг журам, эрүүл мэндийн ажилтны ёс зүйн хэм хэмжээг сахиулах, ажилтны ажлын цаг ашиглалт, эд хөрөнгийн ашиглалт, зарцуулалт, хамгаалалтад хяналт тавьж, зөрчил дутагдлыг арилгах, урьдчилан сэргийлэх ажлыг зохион байгуулж ажиллах;

2.6.8 эмч, эмнэлгийн мэргэжилтэн, ажилтны нийгмийн асуудлыг хууль тогтоомж, Хөдөлмөрийн дотоод журмын дагуу шийдвэрлэх, мэдлэг үр чадварыг дээшлүүлэх, мэргэшүүлэх арга хэмжээ авч ажиллах;

2.6.9 эмч, эмнэлгийн мэргэжилтний ёс зүйн хэсгийн хорооны үйл ажиллагааг тогтмолжуулж, ёс зүйг сайжруулах ажлыг зохион байгуулах;

2.6.10 эрүүл мэндийн тусламж, үйлчилгээг чанартай, хүртээмжтэй стандартын дагуу үзүүлэхэд шаардлагатай эм, эмнэлгийн хэрэгсэл, тоног, төхөөрөмж, хөрөнгө оруулалтын асуудлыг Нийслэлийн эрүүл мэндийн газар болон бусад холбогдох байгууллагад хандан шийдвэрлүүлэх;

2.6.11 нийслэлийн эрүүл мэндийн газрын даргаас өгсөн бусад чиг үүргийг хэрэгжүүлэх;

2.6.12 хууль, тогтоомжид заасан бусад чиг үүрэг.

2.7 Төвийн дарга, албан хаагчид Улсын их хурал, Засгийн газар, Ерөнхийлөгчийн тамгын газар, төрийн захиргааны төв болон төрийн захиргааны байгууллагатай Нийслэлийн эрүүл мэндийн газрын даргаар дамжуулан харилцана.

2.8 Төвийн дарга хууль тогтоомж, Нийслэлийн иргэдийн төлөөлөгчдийн хурлын тогтоол, Засаг даргын захирамж, үүрэг даалгавар, хөтөлбөр, төслийг хэрэгжүүлэх ажлыг зохион байгуулж, биелэлтийн явц, үр дүнг тогтоосон хугацаанд Нийслэлийн эрүүл мэндийн газрын Захиргаа, төлөвлөлт, хяналт-шинжилгээ, үнэлгээний хэлтэст тайлagnаж, ажиллана.

## ГУРАВ. ТӨВИЙН ҮНДСЭН ЧИГ ҮҮРЭГ

3.1 Төв нь эрүүл мэндийн бодлогын хэрэгжилтийг зохион байгуулах чиглэлээр дараах чиг үүргийг хэрэгжүүлнэ:

3.1.1 үндэсний болон нийслэл, дүүргийн хэмжээнд хэрэгжүүлж буй эрүүл мэндийн хөтөлбөрийг өөрийн нутаг дэвсгэрийн хүрээнд зохион байгуулан хэрэгжүүлэх, үр дүнг тооцох;

3.1.2 хүн амын эрүүл мэндийн боловсролыг дээшлүүлэх, салбар хоорондын хамтын ажиллагааг бэхжүүлэх, эрүүл мэндийн боловсрол олгох мэдээлэл, сургалт, сурталчилгаа явуулах ажлыг зохион байгуулж, хүн амын эрүүл мэндэд сөрөг нөлөө үзүүлж байгаа хүчин зүйлийг судлан тогтоож, арилгах арга хэмжээ авч ажиллах;

3.1.3 эх, эмэгтэйчүүд, нярайн эрүүл мэндийг хамгаалах чиглэлээр нийслэлийн төр захиргааны байгууллага болон иргэдийн оролцоо, хамтын ажиллагааг дэмжих;

3.1.4 амбулаториор үйлчилгээнийг үзлэг, оношилгоо, эмчилгээг батлагдсан стандарт технологи, эмнэл зүйн удирдамжийн дагуу хийж, оношийг тодруулан эмчилж, шаардлагатай бол журмын дагуу эмнэлэгт хэвтүүлэн эмчлэх тусламж, үйлчилгээ үзүүлэх;

3.1.5 анагаах ухааны дэвшилтэт технологи, ололт амжилтыг үйл ажиллагаанд ажиллах, нэвтрүүлэх, дотоод гадаадын ижил мэргэжлийн байгууллагатай хамтран ажиллах, туршлага солилцох;

3.1.6 эрүүл мэндийн тусламж, үйлчилгээнд тулгамдсан асуудлаар нотолгоонд суурилсан үндэслэл бүхий санал боловсруулж, шийдвэрлүүлэх;

3.1.7 эрдэм шинжилгээ, судалгааны төсөл боловсруулах, хэрэгжүүлэх, үр дүнг тооцох, олон улсын эрдэм шинжилгээний хурал, сургалт, семинар зохион байгуулах;

3.1.8 гамшиг, онцгой байдлын үед ажиллах байгууллагын эрүүл мэндийн болон яаралтай тусламж, үйлчилгээний бэлэн байдлыг дээшлүүлэх, болзошгүй гамшгаас урьдчилан сэргийлэх арга хэмжээний зохион байгуулалтыг сайжруулах;

3.1.9 Төв нь байгууллагын эмч, эмнэлгийн мэргэжилтний мэдлэг, мэргэжлийн үр чадварыг дээшлүүлэх, эмнэлгийн мэргэжилтний ёс зүйн хэм хэмжээг мөрдүүлж ажиллана.

3.1.10 Төв нь үйл ажиллагаандаа мэдээллийн технологийг цаг үеийн шаардлагад нийцүүлэн нэвтрүүлэх, цахим мэдээллийн тогтолцоог хөгжүүлэхэд дэмжлэг үзүүлж ажиллана.

3.1.11 Төв нь гадаад, дотоодын төрийн болон төрийн бус байгууллагатай хууль тогтоомжийн хүрээнд хамтран ажиллана.

## ДӨРӨВ. ХАРИУЦЛАГА

4.1 Энэ дүрмийг зөрчсөн буруутай этгээдэд Төрийн албаны тухай хууль болон холбогдох бусад хууль тогтоомжийн дагуу хариуцлага хүлээлгэнэ.

## ТАВ. БУСАД ЗҮЙЛ

5.1 Энэ дүрмийг зохих журмын дагуу улсын бүртгэлд бүртгүүлнэ.

5.2 Энэ дүрэмд Нийслэлийн эрүүл мэндийн газрын даргын тушаалаар нэмэлт өөрчлөлт оруулж болох бөгөөд нэмэлт өөрчлөлтийг тухай бүр улсын бүртгэлд бүртгүүлнэ.